

1097 neque se, neque suorum quempiam, quantum imperio coerceri possent, hostile quicquam in res suas molituros: si & urbes Asiæ, quæcunque postea reciperentur, præter Hierosolyma, Constantinopolitano imperio habendas permetterent. Atque cum his omnes copiarum continuo in Asiam traductæ, solus Boemundus apud Alexium cum paucis ad com meatus expediendos subsedit: reliqui interim ductores ad Nicomediam progressi, copias undique contractas in unum jungunt. Placuit hic primo Niceam oppugnare; motis itaque signis per saltus, & devia prius eo ventum est, cæptaque urbs obsideri, quam Boemundus com meatibus sero datis in castra venisset. Post ejus accessum Niceam Bithiniæ metropolim (Antigoniam urbem ipsam ab initio appellatam accepimus, ab Antigono Philippi filio, qui eam condidit, inde a Lyfimachi conjugè Niceam dictam) tripartito adoriuntur. Erat id oppidum satis natura loci, sed magis opere munitum: quippe quod sublimibus crassisque cinctum erat mœnibus, atque ipsis quadrata forma deductis quindecim stadiorum ambitu: quartam ferme partem Ascanius lacus ad meridiem alluit. Confectim igitur machinæ aliquot & castella lignea civitatis muros æquantia cæpta sunt erigi: aries ad hæc vineæque mœnibus admotæ: cuniculis quoque irruptio tentata. Urbs præter oppidanorum multitudinem, valido inita erat præsidio: ac quotidie in eorum locum, qui aut cæsi aut vulnerati essent, recentiora aquis subvehebantur auxilia. Apparebat itaque, aperto lacu, Niceam capi non posse: quapropter visum est ad inhibendos hostium cursus ad Alexium mittere, ut comparata navigiorum multitudine, lacum hostibus obcluderet. Præstitit id Alexius, sed non tam cito. Nam dum ille naves compararet, interea ad sexaginta Turcorum millia, Sarracenis auxiliaribus mixtis, in proximis Niceæ montibus confedere. Missis lacu, qui nondum clausus erat, nunciis, Nicenis significant, ut certo die eruptionem in hostes ea parte facerent, qua ipsi castra erant ex improvviso aggressuri. In Podiensem Antistitem, qui ad Orientem metabatur, impetus est factus: quem non modo fortiter Gallus sustinuit, sed facta etiam ex castris eruptione, hostis cum ingenti cæde ad mon-

*Copia Christianæ in Asiam ducuntur.*

*Niceam obsident.*